

Goibekokale

ELGETA / Barikua / 2001eko azaroaren 16a / 75. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Bide seinale gutxi zeudela-eta, martitzenean istripua gertatu zen

OXEL EROSTARBE

Plaza ondoan konpondu duten estolda adierazten zuten seinaleak nahikoak ez zirela eta, istripua izateko arriskuan izan ziren Elgetatik igaro ziren gidari asko. Istripu larriena martitzenean gertatu zen, nahiz eta gidariari ez zitzaion ezer gertatu.

Herriko sarreretan egindako konponketen ondorioz asfalto azpian geratu zen estolda errepidearen maila berean jartzen aritu ziren astelehenean Diputazioko langileak.

Porlana lehortu artean, bost konoz eta argia ematen duen adierazleaz inguratu zuten estolda. Diputaziotik esan digutenez, modu horretan adierazten dituzte bidean egoten diren estoldak.

Bergararik zetozen gidariak oso metro gutxi arte ezin zituzten konoak ikusi. Konoak bide erdian zeudenez, zenbait istripu izan ziren astelehen eta martitzenean. Auto batek azpialdean kalteak izan zituen eta beste asko zorian izan ziren.

11 HILABETEZ ITXITA

Eibar-Gasteiz autobideko lanak



Begararik zetozen gidariak oso metro gutxi arte ezin zituzten konoak ikusi; ezin ukatu istripuak gertatzeko arriskua zegoela.

direla-eta, eguaztenetik itxita dago Bergarako bariantea eta Elgetara doan GI- 2632 errepidea lotzen dituen errepide zatia. Uberako zubibidea egiteko, derrigorrezkoa da errepide zati hau moztea.

Eibartik Bergarara doazen ibilgailuak, Elgetara igo ahal izateko, Bergarako iparraldeko sarreatik sartu beharko dira eta gero, gasolindegi parean, zubi azpitik igarotzen den GI- 2632 errepidetik

aurrera jarraitu. Elgetara igotzeko ez da, hortaz, inolako arazorik egongo.

Lotura egiten duen errepide zatia hamaika hilabetez egongo da itxita.

HERRITARREN HITZA / Haritz Gallastegi • Kazetaria

Denboraren indarra

Neure buruko ideiak ordenatzen nahikoa behar nuelako... besteak beste, ez nuen agurtzeko aukerarik izan GOIBEKOKALE "zaharraren" azken alean. GOIBEKOKALE "berrian" emango dizuet ordurako egin nuen hausnarretaren berri.

Normalean gustuko ditugun gauzak egin ahal izateko joaten gara lanera. Zenbait gizasemek, ordea, beharretik irrendakoan ere "lanean" jarraitzen dute. Batzuek, gehienek, euren inguruari ekarpenen bat egitea

dute xede; beste batzuk, euren etorkizunerako baliagarria izan daitekeelakoan murgiltzen dira proiektu ezberdinetan —neure kasua—; besterik barik, arrazoi ideologikoak bultzatuta jarduten dutenak ere makina bat daude.

Arrazoi bat edo bestea dela ere, behin lanean hasitakoan pertsona guztiak barruan



"Denborarekin jende asko kiskaliko dela badakit"

gehiago baloratzen ikasi dut. Elgetan, zorionez, herri

daramaten guztia eskaintzen saiatzen dira, betiere borondate onenarekin —sekula ez dut bestelakorik pentsatu—. Horrenbestez, behin herri mailako proiektu bat barrutik ezagutu ostean, hainbat elkartetan burubelari lanean dabilzan lagunaren ahalegina are

ekimena nahiko uztarturik dagoela uste dut. Gazte, kirolzale zein beste elkarrekin ekarpenak ezinbestekoak dira herria aberasteko. Horretarako, beharrezkoa da talde guztien arteko hartu-eman. Baita Udalaren inplikazio maila ere. Guztien artean atera behar ditugu egitasmoak aurrera. Era bateko eta besteko ekimenak oztopatuz ez goaz inora —orokorrean ari naiz—. Trabak ipinita, ez dugu ezer lortuko, ezin dugu horrelakorik onartu. Badakit denboraren poderioz jende asko kiskaliko dela.

LABUR

Kiroldegia zabalduko dute gaur 19:00etan

Atzo gas frogak egin eta gero, bukatu dira kiroldegiko tabernan egiten ziharduten lanak.

Antxon, Iontxi, Asier eta Ander dira Bolatokiko ugazaba berriak, eta gaur iluntzeko 19:00etan irekiko dute taberna.

Donostiakoak dira gazte hauek, eta orain arte, oso gustura daude Elgetan aurkitu dutenarekin.

Gaur, 22:00ak inguru arte edukiko dute taberna zabalik eta bihurtik aurrera hasiko dira eguneroko jardunarekin.

'La Garbo S.A.' antzezlanerako sarrerak salgai

Kultura batzordeak antolatuta, Markeliñe taldearen *La Garbo S. A.* antzezlanaren ikus-tereko aukera izango dugu datorren barikuan. Gaueko 22:30ean hasiko da antzerkia. Espaloia aretoan izango da.

Sarrerak aurrez gorde nahi duenak badauka aukera. Udaletxerari joan eta Enrike Gorrotxategirekin egon beharko du, edo bestela zuzenean Udaletxerari deitu 943768022 telefono zenbakira. Sarrerak 500 pezetan balio du.

DV Txapelketako pilota partidak datorren barikuan

Azaroaren 23an, gaueko 21:30ean, DV Txapelketako partidak izango dira Elgetan.

Gazte mailan Berasaluzek eta Pradok Sáez eta Rico errioxarrak izango dituzte aurkari. Nagusietan Ubera II.ak eta Laskurainek Amerika eta Atutxaren aurka jokatuko dute. Xabierrek partida honekin hasiko du aurtengo txapelketa. Ez da partida erreza izango, aurrekoan ondo aritu ziren-eta aurkariak.

Sarrera doan izango da, eta bi lagunendako afaria zozketatuko dute.

IRAKURLIAREN TXOKUA

GAZTETXIAK "KRITIKEI ERANTZUNEZ" EGINDAKO KARTAREN EGILLIEI:

Belaunaldi artian hartu- emona garrantzitsua dala esan neban, beste aparteko barik. Titulua erakargarri- xa egittia "Gaztetxiak jubilaundako" artikulua egilian lana be bada... eta nago erantzuna jasotzeko arrazoia Asentzio Eguna aipatzian ete dagon. "...6 urtian ahalik eta onduen antolatzen saiatu gaz..." diñue eta hori iñok ezin kendu, denbora dexente emon dotsagu eta jaixai.

Denbora faltia dala eta Asentzio eguna beste batzuk antolatzea bada Gaztetxiak dittuan gaitzen irtenbidia, espero dot gura beste hitzaldi, antzerki, erakusketa, irteera, ikastolen aldeko autobus... antolatzea lehenbailehen.

Gehixau zer esan... Iban Arantzabal berez dala kritikua baita bere buru- kin be, baina Gaztetxekume honen idatzixak ez zekala holako kritikotasunik. Aspaldi erakutsi zosten etxe barruko trapu zaharrak etxian gordetzen.

Kritika egin gura izan balitza zuok dakizue onduen Gaztetxiak nundik ebatu badakala. Eta nundik ebatu badakanez "kriti- kok", zuek eguna zehaztu ez dozuen bigarren eztabaida irekixan egingo dittut.

Beti egon dira kritikak, goguan dakat kritika danak ontzat hartzen giñuazela geruago eta gehixau ziran ekintzen baloraziñuak ziralako normalian. Kriti- kak mobitzen danari egitten jakoz eta hori ona da, beti!

Amaitzeko, animo gaztetxiak egin biharreko herrigintza lan neketsuan eta helburuak betetzeko bidian. Gaztetxia, Elgetan, ondiok be biharrezkua da. Gure Gaztetxiak urte askuan egin dotsa bultza herrixan erren zeguan hainbat arlori eta horregai- ttik jaso dau herrixan bultzadia be. Elkarri bultza egitten jarraituta ez dago bildurrik ezta defenditzen ibilli biharrik be.

Berriz be animo!

IBAN ARANTZABAL

IRAKURLIAREN TXOKUA

Goibekokalen zure gutuna argitaratzia nahi izanez gero, Goibekokaleko buzoian laga edo goibekokale@goinea.com helbidera bialdu. Beti be, martitzen goiza aurretik bidaltzia komeni da.

BANAKETA

Elurrak ez zuen eragotzi Goibekokale eta Goienkaria Elgetara heltzea

O.E.

Bidean gurutzatuak zeuden kamioiak, elurra eta izotza ez ziren oztupo izan Goibekokale eta Goienkaria Elgetara iristeko. Afaldu aurretik etxe gehienetan banatua zegoen alea. Banaketan izan zen akats baten ondorioz ordea, ez zen Elgeta guztian Goibekokale banatzeko aukerarik izan.

Aurrerantzean, Iratxe eta Sandra arduratuko dira Goibekokaleren banaketaz. Etxean ez baduzue Goibekokale jasotzen, 943 78 90 85 telefonoan jarri zaitzekete banatzaile berriekin harremanetan.

Goibekokale Elgetatik kanpo jaso nahi dutenek ere badaukate aukera. Gurekin harremanetan jartzea besterik ez duzue.



IBAN ARANTZABAL

BAPATEKUA/ Rakel Urien · Supermerkatuko langillia

"Poltsikoko telefonua biziua da neretzako; behin, sei ordu t'erdi egon nintzan geratu barik berbetan"

Bergaran egitten dau lan 26 urteko honek elgetarronek. Lotan baiño, denbora gehixau pasatzen dau poltsikoko telefonotik berbetan.

Zertan diharduzu lanian?

Bergarako supermerkau batian, Tandyn.

Zer da zure lanetik gehixen atsegin dozuna?

Denbora danian jendiakin hartu-emonian nagola.

Bestela, zertan egingo ziñuke lana gustora?

Irratixan esatari. Jendiak deitzen daben gabeko programa horretako batian.

Erosketak egitteko denda txikixak ala leku haundixak?

Leku haundixak.

Zenbat ordu egitten dozu lo?

Astegunez lau bat eta asteburutan bapez, denbora dana juergan.

Maitteminddu ziñan azken aldixa?

Maitteminddu-maitteminddu, urte bete dala edo maitteminddu nintzan. Oso maitakorra naiz eta konfiantza apur bat emon ezkerro, sentimendu txikixak sortzen dira sarritan.

Gorputzeko atalik polittena?

Aurpegixa (galdetzen moduan).

Poltsikoko telefonua erabiltzen dozu?

Apurtuta daukat, baiña poltsikoko telefonotik berbetan orduak pasatzen dittut, bizio bat da. Jarraituta sei ordu eta erdi egindakua naiz.

Diskotekak ala poteua?



Duda barik, diskotekak.

Juerga egitteko herri gustokuena?

Donostia.

Zenbat euro dira 1.000 pta.?

Sei (segittuan erantzun dau).

Kirolik gustokuena?

Gimnasia erritmikua.

Elgetako paraje polittena?

Intxorta.

Oherako erropak ze kolorekuak dakazuz?

Neguan sedazkuak eta udan motzak, zurixak.

Gaba ala eguna?

Gaba.

Irratixa ala telebista?

Irratixa, Top 40 programa oso gustokua dot.

Elgetako mutillak zelan definiduko ziñuke?

Basarritarrak edo kaikuak.



Elgeta-Piel

Neguko denborealdi berria

Astelchenetik barikura:
17:00-20:00

Zapatuak:

10:00-13:00 eta 17:00-20:00
Domekak: 11:00-13:30

Domingo Iturbe 8, ELGETA
943 76 81 12

Uriburu UTEK saltzen du:

Domingo Iturbe kalean

ETXABE KOMERTZIALA

Etxe berrien azpian

PREZIO INTERESGARRIAK

943 76 11 23

670 781 759

Aperribay, s.l.

Marmoldegi
eta granitoak

Pagatza indus. z/g.
Tel. eta faxa: 943 78 90 21

20690 ELGETA

ERRETRATUZAHARRA

Udaletxeko lehenengo harrixa Elgetan

Gerriak ziharo hondatua laga zittuan Elgetako eraikin gehixenak. Frentia herrixan bertan egotia ez zotzan Elgetari onura haundirik ekarri, herrixa egoera txarrian geratu zan-eta. Txikittuta geratu zan eraikiñetako bat Udaletxia izan zan. Goitik behera barritu bihar izan zeben.

Oingo alian ekarri dotsuegun erretratu zaharra gerra ostekua da, Udaletxe barriko lehenengo harrixa jarri zebenekua, hain justu. 1944ko apirillaren 25ian jarri zeben hori harrixoi. Egin zan ekintza ofizialera Gipuzkuako gobernadoria eta haren laguntzaillia etorri ziran, nahiko egun berezixa izan zan.

Erretratuan ikusi geinken moduan, *Cara al sol* kantuan dihardue ekintza ofizialian parte hartutako guztiek. Ezin izan dogu asmatu erretratuan agertzen diranak zeintzuk diran. Ezkerraldian darenak autoridadekuak dira, eta gobernadoria hor bertan dago.

Eskumaldian herrittarrak ikusi



geinkez. Aurreko aldian darenak lehenagoko aguazilla eta abadia ei dira; atzeko aldian elgetar batzuk agertu arren, ezin izan dogu jakin zeintzuk diran.

Argazkia: Tolosako artxibua, Indalezio Ojanguren Fondoa

ADI IRAKURLE!


Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLA ALDATUDIRENGAUZAK

Udaletxia gerra aurretik eta gaur egun

Erretratu zaharrian gerriak eragindako kaltiengaittik Udaletxia barritu bihar izan zala esan dogu.

Alboko erretratuetan, Udaletxiak eta plaziak gerra aurretik zeukan itxuria eta konponketak egin eta gero hartu zabana ikusi geinke. Lehenagoko eraikiñetako balkoiak txikixagoak ziran eta, kristalerak zeuzken.



1934 Mendizalien Federaziñua Elgetan sortu zala-eta, mendizale ugari batu izan ziran urte honetan plazan. Plazia oso aldatuta ikusi geinke.



2000 Gaiñeko erretratuan, gaur egun Udaletxiak eta plaziak dauken itxuria ikusi geinke. Gauzak asko aldatu dirala ezin ukatu.

Zumelaga
JATETXEA

59 urte zuen zerbitzura!

San Antonio 5. BERGARA. 943 76 20 21

**Zuri Beltz
margoak**

Barnealde eta kanpoaldean
erreforma

Pintura zerbitzu osoa
Moketak

943 76 14 60

607 447 494

943 76 59 59

Bergara



**Manufacturas
LARRAÑAGA**

• Lan-babeserako artikuluak
• Seinalaztapena
• Jantziak

Leizeaga 1. BERGARA
Tf. / faxa 943 76 59 53.



MEMESA

INDUSTRI HORNIDURAK

Tel. 943 71 24 25
BERGARA



3.000.000 ibilgailu baino
gehiago aseguratuta
lasai-lasai errepidean

Problemarik gabe

Egin kontuak! 2.400 bulego, 12.000 lagun zure zerbitzura, 4.000 konponketa gune



MAPFRE

Simon Arrieta plaza 3, Bergara. Tf. 943 76 18 80.

Azaroaren 5eko zozketa:
24.000 pezetako 3 erosketa-bono

72.000 pta.

Sarituak:

Marian Agirrebeña
Ana Mari Madariaga
Ana Mari Urzelai
Zorionak hiruroi!



EUSKO JAURLARITZA
GOBIERNO VASCO



Sofa
leku

Oso
eroso.



grupo



Amuebladora
Mondragonesa

a. eme. interiores
a. eme. sukaldeak
centro hogar mueble
sofa leku

■ Tel.: 943 79 15 03
■ Tel.: 943 77 14 92
■ Tel.: 943 71 10 12
■ Tel.: 943 77 14 92

www.grupo-aeme.com

grupoam@grupo-aeme.com